



საქართველოს მთავრობის გ ა ნ კ ა რ ბ უ ლ ე ბ ა

№1408 2020 წლის 29 ივლისი ქ. თბილისი

სსიპ – საქართველოს მუნიციპალური განვითარების ფონდის მიერ
განსახორციელებელი ღონისძიებების შესახებ

1. საქართველოს ორგანული კანონის „ადგილობრივი თვითმმართველობის კოდექსის“ 159-ე მუხლისა და „საჯარო სამართლის იურიდიული პირის – საქართველოს მუნიციპალური განვითარების ფონდის დაფუძნების, სამეთვალყურეო საბჭოს განსაზღვრისა და მისი დებულების დამტკიცების შესახებ“ საქართველოს მთავრობის 2015 წლის 30 ოქტომბრის №558 დადგენილებით დამტკიცებული დებულების მე-3 მუხლის პირველი პუნქტის „ა“ ქვეპუნქტის საფუძველზე, სსიპ – საქართველოს მუნიციპალური განვითარების ფონდმა უზრუნველყოს:

ა) შავ ზღვაში ჩამდინარე მდინარეებისათვის ნატანდამჭერი მოწყობილობების შესყიდვა და მოწყობა;

ბ) წყალტუბოს მუნიციპალიტეტში, სოფლების: მაღლაკის, ფარცხანაყანებისა და ზედა მესხეთის შიდა სასოფლო გზების რეაბილიტაციისათვის საჭირო საპროექტო-სახარჯთაღრიცხვო დოკუმენტაციის შესყიდვა;

გ) სიღნაღის მუნიციპალიტეტში, ქალაქ წნორში ქიზიყის ქუჩის რეაბილიტაციისათვის საჭირო საპროექტო-სახარჯთაღრიცხვო დოკუმენტაციის შესყიდვა.

2. საქართველოს რეგიონული განვითარებისა და ინფრასტრუქტურის სამინისტრომ, საჭიროების შემთხვევაში, უზრუნველყოს ამ განკარგულების პირველი პუნქტით განსაზღვრული პროექტების დაფინანსების მიზნით შესაბამისი ფინანსური რესურსის მოძიება.

პრემიერ-მინისტრი



გიორგი გახარია